

# Efesu

## Paulo Tyyriti, Efesu Hãwã-ò

**1** <sup>1</sup>Paulo, Jesuisi Kristu deòdÿña jiarÿ rare. Deuxudeewimy tahe kia rare. Efesu hãwã ityhydÿÿdu mahãdu —ò kalemy warybe rewahinyreri. Kaiboho ywimynodu mahãdumy toimahãte. <sup>2</sup>Ruxetøena adeereny kidiatykemy Deuxu-ribi idi watxireri tule Jesuisi Kristu Inynyrÿ-ribi.

<sup>3</sup>Deuxu, Inynyrÿ tybyreny, inyboho tuu reàlàmyhÿreny. Tii dori inydeereny wihikÿ inywo ywinamy diwahinyde Jesuisi òraru-ki biukihikÿle wahe. <sup>4</sup>Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aòkõu tii rihitxinymy ritakremy rÿimyhÿre, inyboho wahe. Kristu-ki iny rihitxinymy rÿÿre. Iny òbitimy rÿÿrakemy rihitxinyre, ywimy nodumy wahe. Kiamy heka rokoirekre Kristuko-txi luuna-di. <sup>5</sup>Ihetxiu tamywimy Deuxu rihitxinymy ritare, inyboho wahe. Iriòereny wesemy rokoirekemy. <sup>6</sup>Kiamy heka Deuxu riwinyre àlàna, wohyna-wana tamy rikiwahinyrenyemy tii dori inyluurekí wahe. Kristu hãlubu òrarakile biu-ò henareny iny nade. Iny òratureny riòwynyde taruxetøena wihikÿ òraru-ki. <sup>7-10</sup>Ruxetøena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kiditynynyemy idi ratxireri. Tamywimy tahe inydeereny riteòsinyre. Iwese tii røhõtinyre wese. Bededÿñana rexihukreu. Kristu-ki ibutumy aõna aõna biu-ki bede-ki rÿÿikremy ihÿre. Kiamy tahe Deuxu røhõtinyre. <sup>11-12</sup>Kristu òraru-ki Deuxu juhuhu iny mahãduy-ribi inyboho rihitxinyreny. Tii diwahinyde inydeereny uriõnojura jurana. Tii dori ixideewilemy ibutumy aõhebo rotÿÿnymyhÿre Deuxu kia hitxidÿÿna mahãdu ixidile wowydyna mahãduò rÿÿÿrakemy rÿÿimyhÿre. Inyboho juhuhu rityhynyreny Kristu-ò. <sup>13</sup>Kaiboho kiaò toimahãte. Juhuhu rybe inatyhy-ò taholatentyte, tetyhynymyhÿtenyde tarasa Rybewihikÿ-ò wahe. Tai tahe Deuxu Tyytybytyhy-di ratidÿÿna wesemy iny dee ritidimyhÿre. Deuxu Tyytybytyhy dori tii kidiwahinykemy rarybere, ihetxiu wahe. <sup>14</sup>Uriõno jura jurana Deuxu Tyytybytyhy rare inydeereny. Deuxu tahõrõ mahãdu ritakreu, tuu reàlàrenykre tuu, inyboho dori kia mahãduò roire.

<sup>15</sup>Tahe jiarÿ, Paulo, tule umy raholamahãre Jesuisi Kristu atyhydÿÿna-ò, tule aluuna ityhydÿÿdu-ò. Tai tahe Deuxu-ò àlàna-di araxitòdedÿÿnyrenymahãre.

Wanohòti aribireny rosaõhyymyhÿre. <sup>16-17</sup>Deuxu tahe Jesuisi Kristu biu loosõna tyby rare. Tii araykyreny-ò bedeeryna kidiwahinykemy watzireri, awolyrana kidiwahinykemy watzireri. <sup>18</sup>Tai tahe araykyrawoni ritÿnynykemy watzireri. Tai kaiboho bierybenykre Deuxu istryna. Tule ityhyhna biu loosõna-di bierybenykemy watzireri. <sup>19</sup>Deuxu taruruna sõwemy diwahinymyhÿde ityhydÿÿdu mahãdu-ò. Iruruna tahe aõni rare inydeereny uriõno jura jurana. Kia tule bierybenykemy watzireri. <sup>20-21</sup>Kia irurumy inyboho tuu robirenyre, Kristu rubu-ribi rexiixanyreu, taruruna weribi ronykemy disÿnydeu, biukihikÿle wahe. Kristu tahe ibutu ruruna witzira witzira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijinani ratyre, tule kanakremy ihÿreni ratyre rare. <sup>22</sup>Deuxu tahe ibutu aõna aõna witzira witzira Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe. <sup>23</sup>Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymyhÿre.

**2** <sup>1</sup>Juhuu kaiboho rubumy tãimahãte òraruna òraru-ki. <sup>2</sup>Juhuu kaiboho bedeaõmydÿÿnana bedeki toitemahã juhuru Satanasi deòdÿÿna tetyhynymy toitemahã. Tii bedehy ruruna dinodu rare. Ityhydÿÿdukõdu mahãdu wiji dori rityhynymy rÿira, itxiòdÿÿdu mahãdu wahe. <sup>3</sup>Ityhydÿÿdukõdu mahãduy-ki juhuru tule inyboho roiremahã — ibutumy ixideerenywimy inyboho riwinyreny; inraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybiennymy rarehy dori tuu rare. Iwese ijõ roiremyhÿ wese. <sup>4</sup>Deuxu tahe sõwetyhymy ruxetõena diwahinymyhÿde, inlyuurenkyreki. <sup>5-6</sup>Deuxu inyboho rurudÿÿnyre Kristu-wana rubu-ribi riixixanyreny. Kristusÿ-ki biu-ki tii inyboho risÿnyre tai rokonyrenykemy. Iruxetõena òrarukile abiu-ò henareny dire. <sup>7</sup>Iruxetõena kiditeòsinykre bededÿÿnana robehemy roireki wahe. Iwese sõwehyymy iruxetõena diwahinyde wesemy. <sup>8</sup>Tarasana Deuxu ruxetõenaribile nade aityhydÿÿnareny òraru-ki tuu rare. Iny-ribi aõkõ nade. Deuxu wahidÿÿna rare. <sup>9</sup>Iny-ribi rarybekre inyõ ixityhydÿÿmy tahe aõkõre Deuxu ruxetõenakile tuu rare. <sup>10</sup>Tii tahe ibutumy iny riwinyreny. Òbiti aõmydÿÿnana widÿÿdukemy iny riwinyre Jesuisi Kristu òraru-ki. Deuxule juhuru röhõtinyre òbiti widÿÿdumy aõbo rokoirekemy.

<sup>11</sup>Tahe kaiboho uritere nohòti losaõmy kaiboho judeukõdu mahãdu toite juhuru mahã. Kiamy judeu mahãdu arãninimyhÿreny, notykyresykõdu mahãdu wahe. Tii dori notyky resydu mahãdu roire, iyresynadireki wahe. <sup>12</sup>Juhuru tahe aruta wesele toite Kristu-ki aõkõ. Judeu mahãdu-ribi rihitxynymy nyimyhÿde. Deuxu rybe ywisidÿÿna ludu aõkõ toite. Ararõsõna renyõhyre. Adeuxurenõhyre bede bedemy. <sup>13</sup>Juhu irehemy Deuxu-ribi toite mahã. Tahe wiji Jesuisi Kristu hãlubu òraru-ki araòhòdÿÿnymy toite. <sup>14</sup>Jesuisi Kristu tahe iny ywidÿÿna rare. Kyarana tahe òtity wese itya-ki rÿimyhÿre judeu mahãdu aribi kia rihitxinyre. Tahe kia òtity ritxiwire tahe sohoji mahãdulemy riwinyre. <sup>15</sup>Tahe Kristu rurureu tahe ixãwire kia bede ywina. Tahe inatxi wimy òludu mahãdu sohoji iny tÿmyrahyylemy riwinyre. Tahe ywina röhònyre wiwana ributunya tahe Deuxu

taluuuna tamy riwahinyra. <sup>16</sup>Jesuisi taitxeò-ki rurureki, ywina rieryrenyre. Tahe kyarana-ribi riixãwididỹnyre. <sup>17</sup>Jesuisi tahe ywinamy rarybere iòhò ludu kaiboho wahe tule irehe ludu, judeukòdu mahãdu wahe. <sup>18</sup>Tahe kaiboho jiarỹboho-wana sohoji Deuxu Tyytybytyhy òrarukile Deuxu-ò rexitòenyrenyke. <sup>19</sup>Kawese tahe kaiboho ityhydỹydu mahãdu-ò talote. Iny-ribi lahitxi aòkò toite, Deuxusy mahãduòle heka toite. <sup>20</sup>Deuxu rybedu, tadeòdu-wana hetoò wesemy kaiboho boibekre. Jesuisi Kristule iko ludu mana wese rare. <sup>21</sup>Jesuisi Kristu òraru-ki wiwesehyyle heto awimy rỹire. Tai Inynyrỹ hetotyhy relemu rexihumyhỹre. <sup>22</sup>Kaiboho tule matybienybenyke Deuxu Tyytybytyhy hetoò wese wahe.

**3** <sup>1</sup>Tai jiarỹ, Paulo, rotena-ki nodu wesemy rare Jesuisi Kristu òraru-ki. Judeukòdu mahãdu dee kiamy heka watxiwãhãre, adeereny wahe. <sup>2</sup>Deuxu ruxetòena wadee riwahinyre. Kaiboho aòbo tuu taholatenyõmahãte. <sup>3</sup>Deuxu dori tawòtena diteòsinyde wadee. <sup>4-5</sup>Jiarỹ kiamy juhuu reritinyriòrere katyryritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyõ riteòsinyõhyre. Wiji tahe riteòsinymy ihỹre Deuxu Tyytybytyhy tahe deòdu-ò, rybedu-ò ritỹnynymy ihỹre. <sup>6-7</sup>Kiamy heka rare: kaiboho, judeukòdu mahãdu, wii ributunyre inyboho-wana judeu mahãdu wahe. Uriõnowi jurawi juramy idi rokoirekre, sohoji mahãdulemy wahe. Kristu Rybewihikỹ òraru-ki ityhydỹydu mahãdu-ò rirònyrenyre. Kia rybe-di rybedumy diwateònyde, ruxetòena wahidỹyñaò wadee nade Deuxu ruruna sòwe-ribi. Ityhydỹydu mahãduy-ribi jiarỹ aò aòkòmy watxiwãhãre retyhynytyhymy aòkò watxiwãhãre. <sup>8</sup>Ihãrele Rybewihikỹ rybedumy ararekre Kristu aõmydỹyñana heka iny raykywydyna ratyre awimy ihỹre. Kiamy judeukòdu mahãdu-ò arelyykemy riwahitxinyre. <sup>9</sup>Ibutu inyõ rybe wòtena aritỹnynykemy watxiwãhãre juhuu Deuxu Jesuisi-wana ibutumy aõna aõna riwinyre kiau rybewòtena riwòmy roimyhỹre Deuxu-ki. <sup>10</sup>Wijina tahe riteòsinykemy ihỹre dohodỹyña-ki. Tai tahe ibutumy biu-ribi rurunadu, bederydỹydu rierykemy timykibo Deuxu bede ersysna-di raremyhỹ ibutumy aõna aõna ersysna-di. <sup>11</sup>Iwese Deuxu ibutumy aõhebo rotỹnykemy ratximyhỹre wese iny rierykre, Inynyrỹ Jesuisi Kristu òrarukile wahe. <sup>12</sup>Tai tahe iny rexideòsinymyhỹre brebuòlemy Deuxu ixitòenadỹyña-di Kristu dori inyboho rityhynymyhỹre. <sup>13</sup>Tai kaiboho ixijodỹyrenyõmy ahãke, jiarỹ aòhòkỹmy ratỹnyreki kia dori awowydyna rare, waaòhòkỹmy dỹyñana wahe.

<sup>14</sup>Tai tahe umyreny Deuxu-ò rexitòenyre Inynyrỹ Jesuisi Kristu tyhy-ò wahe. Ibutu sỹ mahãdu tyby Deuxu rare. <sup>15</sup>Ruruna adeereny kidiwahinykemy idi watxireri, tawowydyna sòwe-ribi wahe. <sup>16</sup>Deuxu Tyytybytyhy rurutyhy araykywo-ò kidiwahinykemy watxireri. <sup>17</sup>Tai Kristu aworeny-ki kanasỹnymyhỹkemy rahòtinymahãre atyhyna direki kaiboho heka wiluutyhymy boibekemy watxireri. <sup>18</sup>Tai ibutu ityhydỹydu mahãdu-wana Kristu luuna bierybenyke. Inyõ Kristu luuna awire rieryõtyhy. Ihãrele tahe bierybenyke iwese rare wesemy. <sup>19</sup>Tai Deuxu-di bexilỹxinykemy idi watxireri.

<sup>20</sup>Deuxu iruruna dire. Tai iny ixitòena ratyre inydeereny kidiwahinykemy idi ihÿre. Iny irurudireki wahe. <sup>21</sup>Dohodÿÿdu mahädu wowydyna riwahinykemy tamy watzireri, aõu aõu wahe. Bededÿÿnana konana-ò wahe. Kie.

**4** <sup>1</sup>Inynyrÿ deòdu arixidu jiarÿ rare. Arexitòenykre inihe adeereny. Yrubuna-di aõhebo botÿÿnybenykemy adireny watzireri. Tai tahe Deuxudeewimy boibekre. <sup>2-3</sup>Tii dori juhoo adeereny irydu rare òbitimy boibekemy xiwedeõmy boibeke, ele eleõmy; wii biwiòhenanymy; luuna-di marurunymy boibeke. Ixi wesehyulemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwiòhenanymyhyde. <sup>4</sup>Sohoji mahädule rare, sohoji Deuxu Tyytybytyhydile. Umy sohoji wese, ityytyby sohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe. <sup>5</sup>Inynyrÿ sohojile rare inytyhynareny sohojile rare. Tule iny ratisebena sohojile rare. <sup>6</sup>Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratzireri. Ibutumy aõhebo rotÿÿnykemy iny-di riwisÿnyreri tawowina-di. <sup>7</sup>Kristu tahe iny sòwemy rareki sohoji ruxetòena sòwemy sohoji-ò riwahinyre. <sup>8</sup>Kiamy heka ritina-ki roire: —Iu Jesuisi raòwònyreu biu-ò ròtena ludu mahädu ridyre idi wahidÿÿna inydeereny diwahinyde. <sup>9</sup>Betehebenyke rybeweereò-ò raòwònyremy. Aõmybohe kia rarybereri. Tahe juhoo dori surawo-txi robehere kiakekile tahe idi raòwònyke. <sup>10</sup>Kia robeherele taheka raòwònyre biuratyremy ibutu aõna aõna-di rexilÿxinykemy. <sup>11</sup>Inyò-ò deòdÿÿna mahädumy rarekemy diwahinyde aõwihikÿ widÿÿ wahidÿÿna wahe. Ijò-ò Deuxu rybedumy mahädu rarekemy diwahinyde. Ijò-ò Rybewihikÿmy rybedu mahädumy rarekemy diwahinyde. Ijò ityhydÿÿdu mahädu yrubudÿÿdu mahädumy rarekemy. Ijò bedeerydÿÿdumy mahädu rarekemy. <sup>12</sup>Ibutumy kia mahädu ityhydÿÿdu riwiòhenanykemy idi ratzireri. Tai ityhydÿÿdu iaõmysÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde. <sup>13</sup>Ikonanau tahe ibutumy wiwese wesemy ròkòhòtinyrenyke, iny tyhynareny wahe. Deuxu Riòre rikierytyhyrenyke, iny òbitimy rokoireke, Kristu òbiti wesemy rokoireke. <sup>14</sup>Tohouã wesemy aõkò rokoireke inytyhynareny-ki. Uritere witziradÿÿrenyõmy ibutu bedeeryna witzira witzira-di. Iwese yhy tiò tiò aõ riwymyhyre wese kia bedeerydÿÿdu rare. Iwitzira tyhydÿÿna-ò kia ityhydÿÿdu mahädu ridykemy ratximyhyre. Ijò inatyhy rybe weselemy rarybere. Tahe aõkòre. Kia-ò ijohonarenyõmy. <sup>15</sup>Tahe luuna-di inatyhymy marybebenyke. Kristu aõmydÿÿnana-di bexilÿxinybenykemy idi maumynybenyke. Tii dori iny wedureny rare. <sup>16</sup>Ityhydÿÿdu mahädu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiòhenanymyhyre iwese umy hona umy wese. Umyjura kia ibutumy iaõmysÿdÿÿ dire. Wiweselemy tahe raaõmysÿdÿÿnykeki tai tahe umy awimy rariamyhyke. Ijò widerakeki tahe, Kristu umy raumynyòtyhy.

<sup>17</sup>Katahe Inynyrÿnimy adeereny kiamy rarybemyhyre. Ityhydÿÿdukòdu mahädu wesemy aõkò boibenybeke. <sup>18</sup>Iraykyreny bedeluru-ki ihÿreny. Ieherenyre, rieryõrenyre. Tai tahe Deuxu biu-ò hena umytedeõna

rieryõrenyre. <sup>19</sup>Ixãruna ihoõhyyre. Urile ibutumy òraruna-txi rexiwahinyrenyre. <sup>20</sup>Kia Jesusimy aõkõ teerytenyete inyribireny wahe. <sup>21-22</sup>Jesuisi inatyhyna teerytenyteki, ibutumy aõbina bina ixi-ribi bihitxinyke. <sup>23</sup>Ibutumy awo arayky-wana bexitymyranyke. <sup>24</sup>Deuxu umy tÿmyra wesena-di bexityhynybenyke. Kia heka òbiti rare; inatyhy rare.

<sup>25</sup>Tai tahe ruirenyõmy wahe. Inatyhymy iny witxira-ò marybemahãbeny. Wiwese hyylemy widi rakatximyhÿrenyke. <sup>26</sup>Makyarananymahã-wana tahe urile òraru-txi ixẽomy. Ixi-di txu iròtedÿÿomy awobinana-di <sup>27</sup>Tule Satanasi deradÿÿna-ò nokõmy. <sup>28</sup>Inyõ juhuu wasidureki, ixityre tii wasiõmy. Tii wiji raõmysÿdÿÿkre aõna aõna wiwihikÿ tebò-di riwinykemy wahe. Tai tahe iaõdikre iny aõkõmy rÿira riwìdenanyke. <sup>29</sup>Kai uritere rybebinaõ ary-ribi iòlddÿÿomy Rybewiwihikÿlemy marybemahã. Kia rybe-di ijohodu riwìdenanymyhÿrele kynyhetuukre. <sup>30</sup>Bibedeòtidÿÿomy Deuxu Tyytybytyhy. Tii dori arayrubunymyhÿre tarasanatxu-ò. <sup>31</sup>Òbina rybemy widi nokõmy, wimy ujõmoõmy, adebure ijã ijãomy, aõbinamy inymy ijyyõmy, rybebina-di iny ihetedÿÿomy. <sup>32</sup>Tahe ibutu dee ywimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtilosanymy biixãwididÿÿnymy Deuxu dori inyòraru riixãwididÿÿnyreki wahe.

**5** <sup>1</sup>Deuxu inytybytyhyreny rare. Tai tahe iwese uladu tyby wesemy rotÿÿnymyhÿre wese, kaiboho Deuxu wesemy matximahãbenyke Deuxu riõre luunadu wesemy matximahãbenyke. Wiluurenkye, Kristu dori aluurenkye. <sup>2</sup>Tule rexiwahinyre xiwe wesemy iny ritarenkyemy. Tai tahe Deuxu dee kia lÿnyrena wiwihikÿ wese rare.

<sup>3</sup>Tahe òta òtarennyõmy. Ibutumy aõna aõna bina bina widÿÿrennyõmy. Kaiboho dori ityhydÿÿdu mahãdu toite. <sup>4</sup>Rybebinamy uriteretere rybeõmy. Ixideòsidÿÿomy. Kia widÿÿna tahe ibinare. Tahe aõwihikÿõ biwinyke, Deuxu deãlanamy. <sup>5</sup>Òta òtadu tahe Deuxu òlõna wahidÿÿna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia. <sup>6</sup>Itxenadÿÿ rybe-ò ijohonarennyõmy. Ityhydÿÿdukõdu mahãdu Deuxu rybe riywinyõmyhÿre. Tai tahe Deuxu reburemyhÿre tamyreny. <sup>7</sup>Tiiboho-wana ratxiõhyymyhÿrenyre iaõmydÿÿnana binareki. <sup>8</sup>Hÿÿnau kaiboho bedeluru-ki toitemahã. Tahe wiji Inynyrÿ loosõna-ki toite. Loosõnadÿÿdu riõre weselemy boibeke. <sup>9</sup>Aõbo loosõna-ribi nade tahe awire, òbitire, inatyhyre. <sup>10</sup>Tai aõbo Inynyrÿdeewi kia riteòsinyre. <sup>11-12</sup>Iwese bedelurubina widÿÿdu aõhebo rotÿÿnyre wese uritere iwidÿÿrennyõmy tahe teòsaremy tamy marybebenyke. Aõbo tiiboho wasimy aõhebo rotÿÿnymyhÿre ixÿruna adee rare tuu maryhemahãkeki. <sup>13</sup>Ibutumy aõna aõna loosõna ritÿÿnyre. Tai tahe iny aõmydÿÿnana loosõna ritÿÿnyrekeki, iny rierykre itÿnydÿÿna dori loosõna rare. <sup>14</sup>Tyyritiõ kia wesemy rÿire: —Inyõ rõrõmy rÿikeki, rexixake rubuy-ribi rÿike. Kristu tahe araloosõnanyke.

<sup>15</sup>Aõhebo botÿÿnybenykeò bexiijebenyke. Itxÿte widÿÿdu mahãdu wesemy aõkõ ahabenyke, bedeerydu mahãdu wesemy ahãbenyke. <sup>16</sup>Iõnodÿÿomy abededÿÿnana. Wiji txu bededÿÿnana tahe ibinatyhymy

rare. <sup>17</sup>Tai tahe itx̄yteõmy ahãke. Bierybenyke aõbo Deuxu dee wire. <sup>18</sup>Vĩĩ mona-di axaxa rubudỹyna wesemy aõkõ matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralõmy boibeke. <sup>19</sup>Mawiny my bexirybenyke awo-ki. Bexirybenybenyke Inynyrỹ-ò awi-ribi bitxienyumy mawiunye. Rybewiumy marybeke. <sup>20</sup>Deuxu inytybyreny-ò ibutumy beàlamahãbenyke Jesuisi Kristu Inynyrỹni òraru-ki tahe bexitõenyke. <sup>21</sup>Kaiboho ibutumy widee bexiywinyhyymy ahãbenykre.

<sup>22-24</sup>Iwese dohodỹyna mahãdu Kristu rybe rityhynymyhỹre wese, hãwyy tahãbu rybe riywinyke, ibutu aõmydỹynana-ki wahe. Hãbu dori tahãwyy dinodu wese rare. <sup>25</sup>Ibutumy hãbu tahãwyy luukemy. Kristu dori dohodỹyna mahãdu luureki ture. Tamy tii rexiwahinyre rurukemy. <sup>26</sup>Tai tahe kia òbitidỹynamy rurure. Iwese bee aõ rasuhõmyhỹre wese, tarybe risuhõmyhỹre. <sup>27</sup>Ìòraru-ki tahe Jesuisi dohodỹyna mahãdu wiwihikỹõ ixidee rimykre. Òbiti mahãdulemy rarekre, aõbina binaõ heka tai rỹiõhyymyhỹre. Awi mahãdu widỹydumy rarekre. <sup>28</sup>Kiamy heka hãbu tahãwyy-di rỹirake. Iwese hãbu taumy luure wese tahãwyy luumy rỹirake. Iny tahãwyy luukeki, kia-di ixiluuke. <sup>29</sup>Iny taumyderamy rỹiõhyymyhỹre. Tahe aõkõre tule rexiõwenymyhỹre rexiwese nanymyhỹre. Iwese Kristu dohodỹyna mahãdu riwisananyhỹre wese. <sup>30</sup>Inyboho dori Kristu mahãduõ roire. <sup>31</sup>Kiamy heka Ritina roire: —Tai heka hãbuõ tybyboho heto ririmyhỹre tahãwyy-wana wii ributumy roirekemy. Inatxi umy ribi sohoji umyhỹmy rõhõnymyhỹre. <sup>32</sup>Kia aõmydỹynana heka ierysysirare. Tahe Kristu tohodỹyna mahãdu-wana rarybereri. <sup>33</sup>Ihãrele tahe hãbu tahãwyy luumy rỹira iwese ixiluumy rỹira wese. Tule hãwyy tahãbu rityhynye.

**6** <sup>1</sup>Uladu mahãdu tybyboho rybe rityhynymyhỹre Inynyrỹ òraru-ki. Kia tahe òbiti rare. <sup>2</sup>Boo adi-wana bityhynybenyke. Kia tahe bede ywina rybe juhuu rare. Tule Deuxu rarõsõna kia bede ywina rybe-wana rare. <sup>3</sup>Kia biywinybenykeki, awimy mabeke, abededỹynana irehemy mabeke kabede-ki. <sup>4</sup>Uladu tyby, uladuse, ariòreny adeburehyymy idi iwisỹdỹyrenyõmy. Tahe aõki reõsakeki tii riòbitinykemy tamy marybebenyke. Inynyrỹ deõsidỹyna-di tamy marybebenyke.

<sup>5</sup>Deõdu mahãdu kabede-ki awedureny bityhynybenyke. Awo-ribi tyhy tamywimy biwinybenyke. Bexijemy ywimy biwiny. Iwese Kristu dee tewinymahãte wesemy. <sup>6</sup>Aõ tabiteriki aõkõ biywinyke. Iwese Kristu deõdu wesemy mabeke. Deuxu dee wina awo-ribi biwinyke. <sup>7</sup>Deysana-di ibutumy òbitimy bisỹdỹyntyke. <sup>8</sup>Ibutumy deõdu ada deõdukõdu Inynyrỹ-ribi aõna aõna rimyke. Tamy aõwiwihikỹ riwinykeki. <sup>9</sup>Tahe wedu mahãdu, kaiboho eõdu mahãdu-ò kia weselemy mabeke. Brebudỹy rybe-di eõdureny-ò rybeõmy. Awedu dori eõdureny wedu tule biu-ki ratximyhỹre. Tamy dori ibutumy wiwese wesele rare.

<sup>10</sup>Ibutu-ò tahe ikonanamy ararybekre. Inynyrỹ ruruna-di bexirurudỹyntyke. Iruru tahe aõni rare. Tahe ixidee bimyeke. <sup>11</sup>Bexityynyke aõbinanatyy-di, debõna aõmydỹynana bimyeke. Tai tahe Diabo rybemy nodu biòludunyeke. <sup>12</sup>Iny ijusunareny dori moo iny-wana aõkõ rare. Iwitxira Satanasi ruruna-di rare.

Dinodu ruru-di rare, kabede luruhuký wedu-di wahe. Tyytybybina ruru-di rare, biukihikýle. <sup>13</sup>Tai tahe ibutumy Deuxu debòna aõna aõna bimyke. Idi txubina-ki biòlòdýnyke. Aijesu bitakeu tahe, òraru rýike. <sup>14</sup>Inatyhyna-di awareysana birarutxynyke. Òbitina-di abreti bitòbònyke. <sup>15</sup>Bexiywinyke ywina Rybewihiký rybena-ò. Tii heka adikre. <sup>16</sup>Ityhyna tahe awyhyitxenamy ihýre, idi eorutà bitýtenyke. Idi tahe Satanasi heòty wyhy biturinyke. <sup>17</sup>Tarasana tahe arataana wese rare. Deuxu Tyytybytyhy mayrehe heka Deuxu rybe rare. <sup>18</sup>Deuxu Tyytybytyhy-ki ibutumy ixitòedýyhyummy atximahãbenyke. Kia-di tahe biranany, boibeke. Ityhydýydu mahãdu ibutumy bexitòenyhyummy boibeke. <sup>19</sup>Tule wadee, bexitòenybenyke. Deuxu wadee rybe kidiwahinykemy wahe. Tai brebukòlemy Rybewihiký aritýnnykre, ierysy siramy wahe. <sup>20</sup>Jiarý Rybewihiký deòsidýydu rare wawomati rerotidire hãrele wahe. Kristumy arelykemy watzireri. Tii heka wawidýynare.

<sup>21-22</sup>Txitxiò tahe ityhydýydu seriòreò rare, waluunaduò rare. Inynyrý rybe-di òbiti aòmýsýdýydu rare. Tai tahe tii adeereny reteònyre waaòmýdýynana adee ritýnnykemy. Awo riteysadýynykremy.

<sup>23</sup>Ywina ibutumy ityhydýydu mahãdu seriòreò kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrý-ribi wahe. <sup>24</sup>Ruxetòena kanakemy watzireri Jesuisi inatyhymy luunadu mahãdu-ò wahe. Tii Kristu rare, Inynyrýreny wahe.



(Efesu-ò 6.17)